علاء الدين علي

أبيض X أحمر

أشعار بالعامية المصرية

الطبعة الأولى مايو 2018



بطاقة الكتاب

عنوان المؤلّف: أبيض x أحمر

المؤلّف : علاء الدين على

التصنيف : أشعار

رقم الإيداع : 10781-2018


الترقيم الدولى: 9-5-85390-977-978

عدد الصفحات: 122صفحة

رقم الإصدار الداخلي: 167 - الطبعة الأولى مايو 2018

جميع حقوق الطبع والنشر محفوظة للمؤلف، ولا يحق لأى دار نشسر طبع ونشر وتوزيع الكتاب الا بموافقة كتابية وموثقة من المسؤلسف





إهـــداء

جمالها في قلبها ابنتي زوجتي أمي صديقتي أمي صديقتي صديقتي صديقي الذي قرأت في عينيه شعورها اليهم جميعا ديواني أحمر

علاءالدين على

أسلوب حياه

دلع البنات اسلوب حياه وبجد خلتنى اعترف إن انت طبعك في الهوى فنان دلع وقدرت تلفت نظري ليك قلبى اتخطف خلتنى اشوف قلبك دفا اهرب كسوف تغضب اقول هاصعب عليك رغم إن غضبك بالقسم مافهوش رجوع لكن ذكى قبل اليمين تصنع بديل الأدوية لمريضة محتاجة الهوي

Х

صايباها حمى الاشتياق من كمادات الإهتمام تحلف خلاص مافیش کلام اسكت زعل اسمع صدي اخر الكلام یاحبیبتی هس اضحك واقول الدبلوماسي محترف واستني قلبه اللي اتخلق نبضة سماح لما يقول وقت الغضب كلمة باحب اكيد هاييجي ويبتدي محور عتاب وافضل ارتب في الردود هايلوم يلاقي ميت سبب فاتسيبني حبة صغننة

وبتتصل أقول نسي من غير عتاب تنطق ندا قلبي عليك إزاي كدا بتحل شفرة نبضتى انسان غريب عاقل اوي تنزل تاخدني لدنيتك جننتني وتقول دا حالك في الهوى صابك جنون هو اللي عارف قلبي انا بيحس ايه محتاج أقوله بعشقك

ع الهوا

وحدة البث المباشرع الهوا جوّا قلبك أعلنت عبر موجات الهيام إن قلب الصخر لان التردد عالي جدا ضبط آلي جابه عندي و بإذاعة نبض قلبي ذعت عشقك للجيران كانت الشاشة عيوني قادرة تعرض كل همسة من عيونك أقصر الموجات يا غالى صوت وصورة غنوتك وصلت كياني

لما غنيت بالهوى بث عشقك صاب عيوني والعيون للقلب بثت بس رد القلب دمعة نارها نزلت فوق خدودي لما شفت جاراتي فيا برضو عاملينك إذاعة أكد الملموس ف عشقك ممكن أطلب حاجة منك ؟ شفّر البث المباشر ليا وحدي نشرة الأخبار بإسمي والاغانى كلها ناطقه حنانى بعد حبك مش راح أطمع فيك كتير بس ف الساعة ياعمري نلتقى ستين دقيقة ياريت تفهم

ياريت تفهم

ياريت تفهم ولو فاهم متتعبنيش باقولهالك بكل وضوح متشحنش الغرام جواك عشان تلفت نظر قلبى وشعر الحب إن قلته كلام مخلوق عشان غيري ؟ و أسمعك وأسكت لما تسألني سؤال متداري عن حالي وأرد عليك أقولك إيه مانا باحكي معاك ياما وأقول قلبي مبيدقش تقول فيه ست فالدنيا

مبتحبش ماردش لكن الصورة تحركني أنا مش شايفة غير هق ولما بتحيي إحساسي صحيح باضعف و ضعفي بيبكي جوايا على بعده وبتمناه يقول كلمة على حبي ولو هاسمعها ميت مرة مبتكفيش أنا فاقدة الحدود وياه عشان عايشاه بدون ترتيب ولا معنى ولا كلمة غرام قالها

أنا عشقاه كما عشقك صحيح حساك شعور صادق وكان ممكن أفكر فيك فقربني ماتحلمنيش دا لو حلمك صبح شفاف وشفت عنيك بتتنهد هاكون خسرانة صدقني فاهدِّي الموج

مكتوبة بلون السبوره

كدا مش حاسس إنك بركان جمر كيانك نون النسوة لا وكمان أكبر زلزال لما تعدي واحدة عليك تفتح قلبك وتوقعها تغرق فيك جي تغيطني وتحكي كلام وبتسالني هل ف كلامك شئ بيعيب؟ هوا العيب لو يخرج منك

x أبيض

أحمر

(أشعار)

كنت أحبك ولا تحبك كل الحمم الساكنة هواك بس نصیب أنا مش جارية فألف سبية أنا مش هيا لجل ما أخاف وأحكيلك أجمل حواديتي مع إنك واحدة ف حواديتها وحكايتي بحكيها لنفسي تستاهل منهن عذابك إسمك ينفع علم الوحدة تجمعهم واحدة ورا واحدة وإبقى إرجعلي وإحكي وزيد

قطع فيا ألف وريد وأنا هسمع وأبكيك جوايا عمري ما هسمح أن هوايا أن هوايا يمنعني أسمعلك شكوى بس إسمحلي ف يوم أعلنها مكتوبة بلون السبورة كلمة أشوفها بس لوحدي أيوة باحبك

بسكوتة

ليه بتدلع فيا حبيبي وتقول لى دايما بسكوتة هتغرقني فحبك قول لي وتبوشني وتغبرلي كل ملامحي ولا أستني ف يوم تكسرني ولا عشان عينك يا منايا طمعانة ف أكتر من واحدة وأما فيوم تنطق بجديد أي كلام بيخوف قلبي شمس نهارك مثلا يعنى بعد غروبها بتعمل إيه

وإنت لوحدك طول الليل وإن مرة سميتني القمرة رعشة شوقى تقول هشوفنى ليلة جميلة تمام البدر انت هتقدر وأنا هقلب نواميس الكون لجل ما أكونلك طول العمر وأكتر حاجة ساعات ترعبنى لما تنادي تقوللي يا دمي أصلك عصبي ممكن همسة تغير دمك عايزاك لما تنادى عليا دلعك ليا يبقى جديد من نوعه يا غالى

ما قالوش من قبلك لحبيبته أي حبيب دلعني قولي يا سنارة نفس طباعي أيوة صبرت لحد ماتيجي بستناك شايلة لقلبك أحلى الزاد وإنت جعان من زاد العشق متشبعش وأنا طعمى عمره ميخلصش كُلُ على مهلك حبة بحبة وإتأكد إني راح أعملها وأرشق فالحلق ولا أطلعش

مافیش أمل

كاسات عيونك بالغرام كانت ورق ملحقتش أشرب صدقها كام نقطة فيها إتفضلت خدهم شعاع بعدك بخار سبت إيه وإنت بعيد أبنيك أمل إنك تعود راجعلى ليه الأرض بارت من رمن صعبت على غيرك سقاها خضرت طرحت سنابل حَبَّها

من غير ما يسأل حُبَّها مكتوب لمين شلاله غرق وحدتي حبيت غرامه المستحيل مع إن أنا ساكناني كلمة إتكررت معاه كتير كل أما ينطق بالهوى أقول ياريت والنهاردة كان وعدى أصون قلب عاشق دنيتي شمس أضمن فجرها يشرق حنين لو لسة عطشانة لهواك

كنت إنتهيت
كام واحدة ماتت م العطش
فرحانة إنك قلتها
ندمانة كونها إتأخرت
والوعد سيف
دباح لخاين كلمته
يا بدر عمره ما اكتمل
إنساني وابعد من سكات
مافيش أمل

مغرورة دي طبعا أنا

وإيه يمنع حبيبى أكون مغروره لما تحبني أشوف ف عين الناس كلام واجري عليك وأحكيلك .. وتسمعني وأحس ف نبرتك غيره غروري يزيد حبیبی لو تصدقنی أنا جتلك أعدى النار عشان نفسي أكون زيك أكون منهل بيسقي الناس شراب حب الهوى والشوق ولما أحب أكون طفلة ولما أعشق يصبنى جنون

عيون الخلق تعرفني تقرب ياما من عيني يداري كسوفى نظرتهم وأشوف الأرض من تحتى ولما جتنى خلتنى أبص لعينك الحلوة وأتحقق من التفاصيل بتقدر ترخي ف الشدة ولما تحن تبقى أمير وتتنحنح دلع ستات وأنا عارفة بتتريق على حالي وسرحاني ف دنيا هواك وحتى ف قسوتك هادي و كلك ذوق وباعمل نفسى زعلانة

عشان ترجع تصالحني مانا عارفاك حنانك غرق الدنيا وقبلك عشت أنا حرمان ولما أحتاج لشئ مسموح بترضيني ولا حسيت في يوم مليت ولا مرة أكون عايزاك تقول مشغول وجي تقولي مغرورة دا عشق عنيك يخليني أحس الدنيا وما فيها ك حبّة رمل موجودة فقلب الزرع بسيط الريح يطيرها ولا غيرك يدوم ليا ولا يسوى حبيبى أكون ضعيفة معاه

أنا دمعه

أنا دمعه ف سبتمبر فقلب الصخرع التبة وقبل العصر بشوية بتبخر وأبقى لاشىء وأروح ناحية سحب ياما أبكيها على حالى ترجعني دموع بالحيل وأنزل نهر أتدارى يقوم فيضان بيرفض فيا أملاحي ويرمينى لشق الغيط

يضم الشق يخفيني ف بطن الأرض يحدفتي وأسكن جدر للآهة ياخدني جراح على فروعه ثمار الفرع أوجاعى وألف حصاد ف يوم واحد وبتاكل ومین حاسس بیاکل ایه دموع عاشق على فراقه ف قلبه كتير من الإحساس صبح مقتول بيبكى عليه ألم محتاج يشوف أمله ف يوم عايش لكن قدره يعود دايما خطاوي كتير

وجع زارع لفرح الناس وقلبه حزين على حاله وف الآخر أنا دمعة بعيش أسبابها وإن كتروا لكني ف واحدة عصيانة ونفسي فيوم أكون هي مكنتش يوم دموع فرحة ولا عارفة طريقها منين

قلبى عروسة ماريونيت

قادر توصل ليا بسرعة وتخلي قلبي من الحب أحلى عروسة ماريونيت وحبالها بتمسكها بإيدك بيحرك دقاته كلامك بتحركني وترقصني كل حروفك جوة الشعر وتخليني استنى الكلمة انا نفسي تقولهالي بحبك مع إني برفض ترميزها من غيرك يا حبيبي الغالى من غيرك يا حبيبي الغالى

إنطق أنا دايبة ف دباديبك مش قادرة أمشي ولا أسيبك ولا قادرة حتى أستنى شفتك وانا نايمة ف أحلامي تسمحلي أقولك يا مصيبة بترجعلي سنين من عمري نفسي اتشاقى معاك ف جنينة او ننزل ف البحر نبلبط تحضني قال يعني يا غالي بتعلمني العوم وبتغرق ف كسوفى من لمسة ايدك

وردة صفرا

بقيت بخاف أكتر عليك عايزاك تكون أقرب من الجلد ـ اللي حاوط جسمي بيك ماهو مستحيل غيري هتاخد جلدي منّى برفض هجوم شوقك وبفرح باللقا لمسة ابدبك كام ألف فولت يكهربوا قلبي الضعيف كلمة باحبك من شفايفك نارها زي الشمس فيها م الدفا وبترتفع درجة حرارة شوقى ليك

أما إنت يا روحي العجيب ليه بتقرا من عيونها كل نبضة ف قلبها وأما هي بتوصفك شيء مستحيل إنك تكون عنها غريب رغم إني عارفة إنك شفتها بس لدقايق واما بزعل يوم معاك بلقى منها م الدفاع المستميت إنك برئ وإني فعلا بظلمك أرجع بشوق أنهي الزعل وأما تسأل إنت عنها مرة أهرب م الإجابة

مرة أرد كلام خفيف وأبقى فجأة وردة صفرا يرمزو بيها لغيرتهم ع الحبيب تعرف تقولي ليه بغير؟ وأما تغلب يوم عليا نبضة الغيرة فكيانى أغرق كإنك كنت تعرف صاحبتي وإنها جايباك طريقي للهنا من رأيها إنك دوايا م اللي راح أرجع وأقول انك حبيبي اغلى فرحة ف دنيتي فرَّحت كل الأحبة فرحتي

صهد فنجانك

مجرد حلمك السابح فی بحر خیالی خلانی أسلم لك وتتحكم تطوقني بحبل الفكر يا غالي تعلقني اقول حبيت تحركني كما دمية باسبب نفسى لأفكارك عشان قلبي مالوش غيرك وباكل نفسى من شوقى غرامی لیك عشانی زاد تشوف دمعي تقول مالك ارد بإني فرحانة وكل الفرحة في القسوة واقول قسوة حبيبي وداد

بتكويني بلهيب نارك اقول انى كما السكر وداب من صهد فنجانك ولما اغرق بتلحقني عشان قلبك وأطماعك وانا شايفاك بعين حبى وليه يبقى الغرام اعمى؟ يشوف اعدامي بين ايدك حياة وفرحة ما ليها حدود ورغم انى ساعات ياما احسك غير لكن برجع واقول يمكن عايزني اغير يضيق بي حبل افكارك على رقبتي يا اموت والعشق يحييني يا اموت قهرة دموع عينى

إحساسى بيك

باكره أضعف بين إيديك بس بعثىق لمستك وإنت بتطبطب عليا نفسي أسكن جوة قلبك بس خايفة ما شفش فيه وش القمر وأتحرم من نور عنيك يبقى قلبك سجن ضلمة والجريمة إني عاشقة قلب مجهول المشاعر همسة منه طب جرحي لما أقول الآه يا غالى رغم جرحى ف بعدي عنك

لما عنى بتنشغل وأما أعاتبك وتجاوبني الكلام له ألف معنى بس معناه دنیتك ببقى تايهة بين كلامك أي معنى بتقصده والسكن يبقى اغتراب واغترابي فيك يا شاعر أرجع أقنع نفسي إني فاهمة إحساسك غلط وأما أقولك إنت وحدك كل غالي عايشة ليه رد فعلك ينتهى عند باب الإندهاش مش مصدق لیه یا عمری

إني فعلا بعشقك وإني خايفة تكون حبيبي وأبكى ياما لما تلقى حب قلبك ليا وهم حابة أو كارهة طبيعي بس وضعك مختلف والعلاقة واضحة جدا تربط الإتنين ببعض يعنى تالت بين قلوب العاشقين ياترى كام واحدة قبلي عاشت الدنيا بهوايا واحدة بس عندي تكفي يمكن أسألها يا عيني إسمه إيه إحساسي بيك

متميزة

تاج التميز مش جمال ولا دلع ولاحتى فن ومنهجه رضا الرجال علشان پیان ف عنية سحر يقربك بسيطة جدا إنما مختلفة عن كل البنات قلبي الحنين مصنعي إنتاجه إحساسي الحقيقي بالهوى والصدق وخداه مهنتي فيها لساني محترف متمكنة من إحترافي بمتلك

إحساس بفوز أدام خسارتي م البشر كداب ملاوع ف الكلام وعشان كدا لو قلتلك ممكن أجيب نجم السما علشان عنيك يبقى أكيد أقدر أطول بعض النجوم ساعات أقول كلامى من قلب الخيال عشان أوضح حبى ليك بس دايما قبلها بقول یا غالی دا منی تعالى ممكن تستلم شغلك مدير مصنع وضوح وإوعى تقدم فالورق

سطر مبني ع الخداع
بين الجواري كون ملك
من حضن غيري هقبلك
مر الخيانة يتبلع
أصلك حبيبي لو حكيت
عن كل عشق بتعشقه
هيجيلك الوقت اللي فيه
هتخاف تخون
ليوم لسانك يفضحك

عندك وقت

قد النبتة ياغالي إسكني فرع وإملا كيانى بحبك إغسل روحي من إعجاب أو نظرة لغيرك لما أتنفس عشقك وحدك نفسك عطري أحلى ما فيا أنطق إسمك همسة وأدندن بيه ف أغنية أيوة أنا حاسة بهمس عنيك أما بتيجي ساعات ف عنيا وانا عيني دايما مكسوفة ياحبيبي وباصة على الأرض نفسي تاخدني جوة فحضنك شمس نهار حبك تصهرني

وأتحلل أجزاء فكيانك وأجريلك دم ف شريانك وتخاف ياما لو تتعور أخرج من جرحك أستهوى يالا ياسيدي وسيد رجالة كل العالم قد كيان الدنيا بحالها قرب وإسكن وإفرض حبك على وجدانى قد غرامي / والا أقولك زى النبضة الحاسه بحبك تعرف توصف دقة قلبى عندك وقت تجمع كل حكاوى العالم عن عشاقه علشان تعرف مقدار حبى ف ثانية يا غالى لما بغمض وأسرح فيك

بدون تعليق

أقولك إيه على كلمة وأنا عايشاها باللحظة دي مرايتي ودي حكايتي بتحكيها ساعات عنك وعني بصوتي ولساني مع إني مبتكلمش نقول تاني أنا دمك وإحساسك ولون جفنك غطا عينك ف أحلامك

بتندهني وبتدلع عليك ياما وتكتبني بشوق مرة وجرحك ياما حسيته بسيبك تنزف الآهة عشان تكتبني أحزانك وتعلى فوق جبين شعرك كما السلطان على قلبي بحبك لحظة الغيرة ويوم غضبك بغيظك وأندهك تيجى تحس بمر إهمالي فتكتبني جناح مكسور ووريتك نجوم الضهر وخليتك تعوم ياما

ف بحر الشعر يا غالي ونار قلبك بتحرقني وأنا من بعض أنفاسك ف كل قصيدة بلقاني بشوف قلبي وأفراحه وحزني وشئ من الدمعات عذرا شاعري الغالي هتني أقرالك الكلمة بدون تعليق

هاسيب هنا كل الورق

كل يوم أزعل معاك ترجع تقول ويا الأسف نقفل الصفحة اللي فاتت بالألم وبصدقك زي الغريق اللى خيانتك قشته وأطويها وأرجع أبتدي دنيا الصفا ومن جديد بقعة سودا تحطّها ملا السواد نور دنيتي ونعيد كتير واما إتملى كل الكتاب

مبقتش قادرة أستحملك وإنت مش حاسس بإني بنسحب دا الجرح لما بنهمله يكبر ويوسع بالضرر ويموت شعور آهة ألم وأنا جرحى فيك مكتوب هنا صفحات كتير ملهاش عدد ووصايتي للصخرة اللى شافت حبنا تسمح لمية بحرها أسامينا تتاخد هناك على شط مخصوص للفراق معادش يربطنا الهوى وهسيب هنا كل الورق

لو يوم حنينك للقا ياخدك هنا إقراه بضمير إقراه بضمير شمس الغروب مش ليل جميل دا غروبي موت رغم إن عشقك نبضتي فضلت موتي ع العذاب سبتك وجيت شط اللقا أرمي صفحات الحيا

قتلنا البعد

يا نبض القلب انا عاشقة من بعدك هعيش إزاى انا سمكة قتلني البعد عن بحرك ولسة الروح بتتمناك وطير عايش ف دنيا براح قتلني البعد عن عشك ونجمة فالسما نارها ما يطفيها ولا كل الجليد فالكون ما يطفيها سوى قربك قتلنا البعد يا غالي تعالى حبيبي وإحييني كما الساحر ف دنيا خيال انا مشتاقة والله وحبك ما خطر على بال
انا عاشفة ومايلالك
وروحي ياروحي رايحالك
تنادي عليك وبتقولك قتلنا البعد

خايفة عليك

إقفل الحنفية لكن مش أوى نقط حنانك هرتوي أنا لو غرقت ف شرقتى صدقني هكره طلتك خايفة عليك لو يوم هتمسك جمرتى وتقول عليها إنها دفا الحبيب يا روحي مش هتشوف إيديك والصهد فيها والإنهيار وتدوب ساعتها وتختفي يا طير وطاير ف الفضا

أنا مش من العصافير ـ و بطلب عشتك جناحي مكسور إنما قادرة أطير فوق السحب اوعى تفكر إن أنا مستنياك تركب بساط وتجيبلي نجمة من السما وإن جبتها مش فرحتى أنا فرحتي تبقى الولد زندي ف ضعفي وقوتي صحيح ضعيفة بشوقي ليك بس الضعيف لو داق مرار الإنكسار صدقنى ممكن يقتلك

نقطة حنان

لسة الكفيف بعد العمى بيشوف طريق يمشى عليه إزاي وليه مش ناسى دقة خطوته أنساك دا ايه وأنا كل ما في بيندهك بيئن ياما والأنين من شعر راسي ببتدي لمسة إيديك أجمل كريم شعرى الحرير مبقاش خلاص بقى أرض بور أيام خريف بيطير ويسقط م الهوا خدي اللي نام على عضم كتفك بإرتياح

كنت حساه مش كلا م زي المخدة بريش نعام دلوقتى قطن مخدتى ناشف كما حتة حجر حضنى الوحيد من نار حنان الشوق إليك بينام ف حضن هديتك دبدوب صغير لساه بريحة عطرك الفواح حنان صدقنى حاسة بالتراب لما بمشي ف سكتي بيبص لي بسؤال غريب

فين اللي حبيت خطوته

يعنى الطريق حبك كمان

إنساني إنت وأما ترجع تفتكر هتلاقي قلبي ف إنتظار عطشان أوي إسقيه بعمر البعد عنك نقطة حنان مش عايزة أكتر أصلها فيضان بحور

ر فضاك

الحفرة مليانة بتراب والإسم لسة بنندهه والترعة بعد السفلتة بنعدي ونقول إسمها قال يعنى دنيا السحر فينا نتمشى ميصبناش غرق سامح يا غالي وصفي ليك أقصد أقول إن كنت أيامك زمان فارس شجاع خايفة الخيول من قوتك كام مهرة جتلك تنحنى تكسرها دايما قسوتك

وبقيت ضعيف مليان كسور أنا لما حبيت دنيتك قلت السند مش میل و عایز ینسند يا حروف على كتاب الزمن فاقدة النقط دور عليها وضمها وإعلن وجودك من جديد متنتهیش بالشکل دا واكرهني إوعى تحبني عافر و بإديك رجعتك خليك حكاوى المعجبات خليني أتندم عليك والدنيا دوسها بجزمتك تديك كتير

وإسمع خلاصة كلمتي إحساسي بالذنب الكبير خلاني أتكلم معاك واما تقتل خطوتك كل حزن ف سكتك تكبر كما إنك ملك عندك جواري المملكة إياك تفكر يوم تعود لأني برضه هرفضك

تاني ألم

دور موتور الذاكرة وبأعلى سرعة إنطلق هدي ف يوم ما عرفتني وأنا خارجة يوم م المدرسة يومها ضربتك بالألم كان غصب عني كسفتني دوس مارش وإرجع كام سنة ف عيد جوازنا ضربتني نفس الألم وسط الهزار وكإنه تار إركن وعيش الليلة دي الدمعة كسرت فرحتى فوق شفايفك بابتسامة

سمعوا الجيران صوت ضحكتك بتقول لى دا الدين القديم الصورة بروازها إنكسر غرقانة ف الوهم القوي وف شكل موج شالني وراح خدنى على شط الخرس لساني رغم الضعف قال المبنى لازم يكتمل رغم الرياح كام دور ونرمي لهم أساس بيشيل نواطح للسحاب وبلاش ندقدق فيه كتير صورة حياتنا مهددة واللي عاش يحميها راح

إرجع كمان بالذاكرة فيوم ميلاد أغلى ضنى بتقول یا بابا هدیتی المرة دي كان الألم بيشق رف الذكريات وقعت ف لحظتها الصور صوت رعشتى فجأة إتسمع إنت اللي حبيت طلتك وأخدت صورة ليوم سعيد يمكن أعيش لكن خلاص صبح الأساس قش وإزاز والمبنى كله يادوب دورين والروف محندق

أد لعبة بنتنا قامت ف قلبي المحكمة حكمت إزالتك بالضرر مضطرة أحرق يوم وحيد إنت إنتهيت كحبيبي من تاني ألم

خلیك غبی

(أشعار)

إستوديو تصوير محترف وأنا صاحبته اللقطة زوم من مراية دنيتى صوّرتها . ونسختها وقدرت أغير شكلى فيها كلها كل صورة بمرحلة وإديتك الألبوم تنقي شلت الملامح م الصور وعر<u>فتني</u> حبتني! لما كرهتني إحساس وصاب خلتني أخاف ألقاك دفا وتسيبي نار

Х

أيوة أنا وأنا صورة هبقى بين إيديك لما تحتاجني تلاقيني م البداية وإنت حاسس كنت بتشبه عليا والرد دايما يصدمك يوجعنى فيك علشان تسافر ف الخيال وتعيش ف بستانه الجميل أصل اللى فاضل م الورود الشوك يا غالى يجرحك وأنا لما أسيب قلبك هنا وسط الصور هفضل بقيت عمري اللي جي محرومة من نبض الحياة

والشوق يا غالي واخدني ليك إنساني يوم ما عرفتني خليني أكون طيف المنام متخلنيش أضعف معاك مين اللي تقدر تلمحك ولا تنكويش وتدوب ف سحر غرام عنيك خليك غبي وإرجع لألبومك وعيش من غير ألم

زلة لسان

أنا عايشة ليه متلجمة ويا الحصان صاينة اللسان عشقاه وبختي ف قصتي كانت طواحين الهوا في القلب دايرة بوحشتي زقتنى أجري للقا وهوا راجع من سفر معرفش كان البعد يومها أد إيه من عند بيتي للمطار صوت دندنة طبل الفرح وأنا ماشية أجري بلهفتى كام كيلو مش حاسة الطريق ولا كنت عارفة الوقت إيه

عدت سنين ملهاش عدد طيارته نازلة م السما معقول كدا!! مملکش ریش پرفعنی لیه عشان أقابله لوحدنا وقبل عصر اليوم وصل الشمس غابت شئ غريب اليوم دا صيف ومفيش سحب الكل باصص للسما وأنا وحدى باصة لنور عنيه همس الكلام حوالین ودانی شدنی مكتوب رسالة فالهوا وصل القمر لازم أغيب و مهزنیش حب الفضول

أنا أصلى عاشقة للقمر عدى عليا وإبتسم تهت ف مكاني بدهشتي البدر غاب .. وصحيت من التوهة اللي سكنت وجنتي بعد العشا سألت نفسى جيت له ليه ولساني مأسور ف الخجل عدت الأيام كتير يتعدوا ييجى كام سنة وقابلته صدفة قلتها يا حبيبي إنت وحشتني قال لي أنا! رجعت تاني فكلمتي أعذرنى دي زلة لسان

كلمة في الجوف تنتحر

حلم الأمومة بيتولد ساعة ميلاد كل البنات بنتي الملاك نايمة العروسة ف حضنها خدتني أرجع سنها غمضت عينى وقتها حاجات كتير أنا شفتها وجريت أدور ف الدولاب مذكراتي كتبتها عشت ف كلامي خيال جميل وردة بيضا!! إيه اللي جابها أجندتي

ع الصفحتين فيه كلمتين متشقلبين جبت المراية عكستهم كلمة باحبك وقصادها مكتوب إسمي أنا والوردة شايلة من الأثر سن القلم لملم يا حبل الذاكرة يالا ف خيطك فضفضة وقوللى مين بس إندفن حلمه في طية صفحتي وأما إفتكرت إبن عمى دي وردته دمعة نزلت تبتسم كدبت إحساسي اللي جه

الوردة دي جت بالغلط وال لا شعور لقيته طالب نمرته رد بزعل وانا قلتله ألفين سلامة من الألم نطقت همومه تقول ياريت كنتى قريتى كلمتى قبل أما ترمي وردتي الكلمة طلعت فوق لسانى تندهه سبب إتصالي محبته لكنها رجعت أوام جوة جوف*ي* تنتحر لما صوت البنت نادى أشرب يا ماما والنبى

ناسى اللغه

سلامي في معاد السفر رغم إبتسامتي كان وجع قفلت أهات قلبى الرئة غاب الهوا راح يصاحبك فالغياب عايزة نَفسُ إبعت لى روحك توهبه لأ لأ بلاش أبعت أنا روحي عشان تتنفسك من كتر شوق العين إليك بقيت بعيش لما أنام عشان يا عمري نظرتك هيا الحياة بوسة شفايفك فوق جبيني بحسها

باحط إيدى عليها دايما وأبوس إيديا مغمضة عشان أحس بطعمها همسك وصوتك باسمعه تسألني أرد وأنا ناسية إنى ف دنيتى ماشية لوحدي ف الطريق نص اللي ماشي جنبي خاف والباقى قال سبحانه وهاب العقول حضنت طيفك سبتهم مین غیری حس بلهفتی وغصب عنى بكيت كتير صاحبة قديمة قابلتها مخدتش بالها إنى حضناك وقتها

داست عليك من حضنها حطيت فبحر دموعي قلبى ف مركبة .. وبعتتها وصلت حدودك ولا تاهت فالطريق أو تكون إتأخرت مش عايزة أقول إنك يا غالي شفتها معرفتهاش بطلت لبه تقرا في قلبي حسه بيك ناسى اللغة ولا عشان ملیت قرایة كلمتین مكتوب حنيني للحياة منك وليك

أنا ملهمة

أحمر

Х

(أشعار)

رغى المساطب طبعنا وأنا بستمع رعد الدموع برق الفرح الباكية بتألف كتاب عن بعلها وتقول بخيل ناشف أوي سألتها إحكيلنا يالا وفضفضي قالت خزین شهرین وجاب ناقص إزازة زيت ياهووو وأما سألته رد قال البير فضى

بس أوعدك ليكي عندي أربعة مع إنه لسة معاه فلوس باقي المرتب يمتلك عشرين جنيه شفتوا البخيل ضحكت قلت إستحملي والتانية حاسة بعكسها عايمة في بحر من الفرح سرحانة دايما وسطنا سألت من باب الحسد مالك يابنتي ساكتة ليه قال الهيام على وشها شبعانة حب جاب لي وردة وباس جبيني

شبعت كان أطعم عشا ودا طبعنا عايشين عليه قلب ولسان شوك أو حرير والشارع الضلمة الجواز بطيئة جدا خطوته فيه البساط ياخدك بسحره للهنا وساعات يكون فيه فن مشى الكعبلة وأنا عايشة عمري بالرضا وباقول نصيب إيه اللي خلاني أعرفك أجمل حبيب

(أشعار)

عن كل لحظة عشتها قبلك حكيت وبنيت قصايد قصتى من فوق لسان إزاي بتنسخ نبضتي جوة الورق أنا ملهمة ؟ أو نسخة طبق الأصل حرفك شفها أحكي لمين عنك وأنا حساك بتسمع كلمتي وإنت بعيد

كلمة تايهة

شمسك الدافية الحنونة شعللت عشقى الوليد بس نارها لسة شمعة والشموع أضعف أكيد أصل عشقك نار تدوب أتحرق وأطلب مزيد كلمة في النبض إتحكت بس وقعت مني فجأة جوة بير وإنت عطشان إغترفت دُقت حسيت طعمها نفسي أعيشك حلمي أعيشلك نفسى أهمس يوم ف ودنك بعشقك

بس خايفة عليك يا غالى لما تضمن حب قلبي ينطفى جواك غرامى برضو خايفة من لسانك إن نطق وقال حبيبتي أنصهر وابقى لاشئ كلمة تايهة تنادي قلبك أوعي عني تكون بعيد المهم الكلمة ساكنة جوة منى وجوة منك سيبها عايشة نقول دي تايهة نخزي عينهم كلهم الحسود ميشفش فينا إننا حتى نعرف بعضنا

حبة هدوء

(أشعار)

سيبني أتمشي ف قلب حبيبي رحلة جميلة يمكن أشوف سكانه يا غالي أنا هتجنن وأما أحبك وألقاك مالك إنه يحبك طوب الأرض وأسأل نفسي إيه قلتلها لما الضحكة عليت فجأة ويا كلامك غرت عليك بس كتمت الغيرة ف قلبي

Х

نَفَسي إتقطع مليون حتة وإتنفست النار من غلي بس رجعت أطالب نفسى حبة هدوء إزاي مبنى إتبنى في خيالي ميله يخوف قلبي عليه أو يتهد عليا يا غالى وعدك فينه يااااااه ضليت لما الظن أخدنى غرقت جوة بحوره إني حبيبتك

مستهلكة

(أشعار)

ممكن سؤال ؟ إسأل وهسمع حضرتك مستهلكة عرفوها كل المعجبين والمعجبات أما قاموس المفردات عندك سكات بس العيون إتكلمت واما الكلام قرب لسانك ينطقه فجأة إتقلب

Х

ضحك ونكت حيرتني وتعبتني حببتني أرتاح معاك عرفتني شمس السعادة من عنيك تاهت عيوني ف الهوى بيحبني ميحبنيش والخوف عنيد أو مستبد غاوي نكد راضع من الدنيا العذاب فارد لسوء حظك بساط قاعد تبص على الألم نفسك ف ايه تعالى قول لي متتكسفش والا إنت قادر ع الغياب

أنا زي اللي ماتوا فيك

أنا راجعة يا بيتنا زمان هنا عاش اللي مات جواك أمى حبيبتى نور عينى وستى لأمى وخيلاني وصحباتي وجيراني سمعت بإنهم ماتوا بکت عینی علی خدی رحيل والغربة دوامة وبعد دقيقة صوت ضحكى هز جدارك الباكي .. على ذكرى وجدي بيضرب الكفين بقرب الخد قال يعني عقابه لغلطة كات منى وبعمل نفسى قال ببكى

عشان بابا ميضربنيش رجعت خلاص پابیت جدی بجر عباية الذكرى عشان أرتاح وبسقى الشارع الساكت بصوت أرواح ووحدى راجعة لجل أحيا معاكم حتى أحلامي مقاطع عمري وانا طفلة جميلة بعيدها من تاني عشان الضحكة متموتشي يابيت إنطق بقى وقولى هعيد بسمة ف عين إبني هكون جدة و أحفادي بيحكوني وأحكيلهم حواديتي هموت زي اللي ماتوا فيك

باقول لك غيب

حبيبي إبعد بعيد عني وبالراحة .. متشغلنيش وقبل البعد شربني عصير مخلوط علاج جرحي وبنجني عشان أصبر صحيح كلمة غرام تايهة على لسانك مصرحتش عشان إنت مبتخونشي أنا حساك وحساني ونفسى يدق يوم بابى تكون إنت وتحضني تكسر عضمي م اللهفة وأتألم ولا أنطقشى بتسمعني وبتجاوب

على لساني برئ من ذنبي لكنك بقیت جانی وبتمنى يكون هاجس أكون حباك أنا وحدي وحالك دا كما الشجرة ف ضليلة وأكل متاح لقرصة جوع بفوقني وأقولك أخ ترد بضحكة وتأكد بإن كريز وتفاحة ميجمعهمش غيط واحد فايتحرك ف قلبي النبض وأترجم من حياء أنثى أقول غالى

وأقول مسموح تكلمني هزار غزلك وتكتبني قصيدة شعر عشان كل اللي حسيته باقول لك غيب

أنا مشمشة

حبيبي قال لي مشمشة ياخوفي أنا أواني مدة قليلة سألته بيحب الثمر قال ياقمر حتى النوى ف الدقة تحلى أكلته تاهت معالمي ف نظرته قلبي إرتعش قلت إثبتي دا واد وجني ومحترف فالشعر فنان والأدب يا لهوتي قله أدب بیمد بوزه لیه بقی كلى إنتفض

قرب أوي من ناحيتي إديته خدي والسلام ياخد له بوسة واللهيب اللي ملالي جتتي زايد أوي جريت وسبته ندهني قال زعلانة ليه ؟! عمل الوتر وعزفت له لحن الزعل ورجعت له أستأذنه أمشي بقى مد إيده شاورتله وأنا خايفة من لمسة إيديه من يوميها الأكل والحلو وعصير من منتجات المشمشة

قلبي زوووم

حبيبي الصبر له حده بتعمل ليه كدا معايا نسيت طبع النسا والا كلامك دوا غنواية أنا باسكت عليك أيوة عشان شايفاك من العدسة كبير جدا وتبقى العدسة دي قلبي وبتسبنى أعيش وياك كما عصفورة وجناحها تملي يكون ف نن عنيك ولما نكشت إحساسك تحسسني الهوى سكة عشان عيني

وأستنى ف يوم تيجى تقول لي بس بعيونك وحشتيني تجينى بشوق أحسه معاك وترجع تاني م الأول أقولها لك أنا يمكن تشوفنى حبيبة لو مرة عليك عشقك بقى ظاهر ودايب فيك هوا العشاق دى باينة جدا الغيرة وظاهرة ف لمسة الكفين ترد وتعترف وتقول أنا حبيت صحيح أيوة وناسى النفس وياكى عشان عينك أنا عايش وف الآخر بضحكة تقول

أنا لسة مفكرتش أعاند دهشتي لحالك وأتقل بس بالراحة وبتوافق على تقلي تقول حقك وكيف زيك تحب ف يوم كيان يائس ورغم إنى باقولهالك ف مِيت معنى .. بتفهمني ف ليه عينك تسيب قلبي كما دانة ف وسط النار وصدقني خلاص قربت م التفجير حبيبي تعالى نتكلم بلاش المخ يتقفل بإن الغدر بيعلم

باحب عنيك ياريت تفهم انا كنسلت بتدلع ناديت قاصدة بإسم فلان قصدي الغيرة راح تنفع ويبقى لعشقنا فيضان ولما الرنة جاتك (wait) هاتيجي أعشق على خطين أنا رنيت وانا رديت تعالى نراجع الوقتين ولما قلتلك إنه لمسنى بإيده بيعاكس حوار مخلوق عثىان تتحرى إحساسي بلمس إيديك على همسى ملك إنت على راسي وعيني وقلبي و الإحساس

برة حدودك

رغم إنها لازمة على لسانك بتدوبني لما بيسبق كل كلامك بصي حبيبتي أنا لامسة جواك الطيبة لو فيها قلبك يتحكم رغم إنك لحظة بتعجبني بتحسسنى بعقلك إنك عاشق إحساسك ومشاعرى تصعب على قلبي أحوالك وأتلخبط إزاي راح أقولها إني باحبك و إنت أساسا تعرف عني حتى اللي باشوفه ف أحلامي ييجى لسانى يروح ويقولك

زيك مش فرض إهتماماتي ترجع تضحك وبصوت ساخر وتجاوب وكإنى سألتك على كل الداير ف خيالي حسيتك بتقرب لهفة ولمست الغيرة ف أحوالك وبتغضب ترجع بإشارة كدا باین إن إنت حاببنی وأخدنى الوهم إنك عاشق وف أول لحظة بتنصحني مین یستاهل نبضة قلبی مين بيضحى براحة باله مین بیزیف نبض مشاعره لكن كل كلامك عنك مافهوش ثابت عن أحوالك

هوا العاشق ممكن ينصح مرة حبيبته إنها تعشق غيره كمان ممكن أسأل بس يا غالي ليه أفعالك كدا ويايا ؟ تهتم بأصغر تفصيلة من تفاصيلي مع إني أساسا موجودة برة حدودك

باحلم حلمين

من آخر قولك يا حبيبي أنا هزعل وإنت معايا إزاى ماهو إنت الماضي بكل مناه وأكيد ف حياتي الباقية الجاي أما الحاضر واللي أنا شيفاه نواميس الكون بيدور فيها الشمس نهار وقمر بالليل وناموسى الخاص وياك إنت كل الأوقات قلبي يشوفك قمري العالي وعينك شمسين والفل أهو غار ويا الياسمين نَفَسك عطره غلب الإتنين

والجنة وجودك ف عيوني دا عشانك باحلم أنا حلمين الأول بتقل وأدلع ودا حق الواقع واللهفة ضيعت الحق من اليدين أما التاني أنا وإنت وبس الدنيا دي فاضية وجمعانا على حب وعشق وشوق وغرام أرضنا خضرة وسمانا سحاب أحلى الأنغام بتلم لي مطرة بألحانك وتسميني . ف الحلم هيام وبتفضل هايم ف وجودي

وبتكتب شعرك وأتفاجئ إن إسمي إتغير بقى إلهام وحنان لو راسك بتريح على كتفى واطبطب على كتفك وتروح فالنوم وأما أصحى باغير كل اللى تشوفك بتحبك وأنا بفهم من النظرة يا غالي أرجع وأقول ماهى معذورة مين اللي تشوفك متحبش ف عنيك الكون طب قول لي إزاي أنا راح أزعل وحبيبي مابصش غير ليا وشايفنى كمان زي ما شايفاه

دواوین غزل

شكّل تفاصيل بسمتى فوق الشفايف وإبتدي إزرعني تاني ف الحياة بيك راح أكون زي القمر أو لا أكون زي السراب يومي السعيد لما تصبح ضحكتك بلقى النوارس كلها بتزف نبضة قلبي أنا وأنا مش سعيدة ف سكتي بس بفرح لما أحسك ف إنبساط

وحبي دا مش من فراغ حبيت كما الطير الجريح اللى إنجرح برصاص عنيك يلقى الدوا فإديك يا صياد الحمام معذورة أقصد مانت عارف إن إنت صياد الغرام ف عنيك كلام دواوين غزل بقراها وأستنى اللسان إنطق بقى الصمت دا بيهزني خايفة أكون إعجاب وعابر ف الطريق تنساني بضغوط الحياة أو إن طبع عنيك كدا

بتصيد متعرفش الغنيمة كام واحدة دابت منها قول كلمتك تبقى النفس والروح ودقات القلوب أوسبني بالعشق أنتهي ماليش ف كل الكون دا كون غير إني أكون كائن مكون من عنيك قول لي أكون أو لا أكون

تلج وإزاز

من شكل لوح التلج
لكن من إزاز
قرب لي قال لي بعشقك
مناخيري أخدت وضعها
ف الإرتفاع
نطقت بعزة وكبرياء
وأنا يعني ممكن أبص لك
عاشقاه و نبضي ف الهوى
لضم المعاصر بالتاريخ
وكل قصة سمعتها
اناعشتها بس ف عنيه

لكن بخاف لو يوم يقرب أنكسر كيد النسا مين اللي قال إنه يصيب بس الرجال مع إنه عامل مشترك وأما إبتدى طرق البعاد عن كل معنى للغزل بقى يخترع ف الموضوعات قال إيه مهمة ويتصل يقعد يعيد وأنا بسمعه من غير ملل معرفش ليه لحظتها جسمي بيرتعش مع إن كل كلامه عام بطّل يلمح بالغرام

وأحن له وأروح مكان بيروحه دايما كل يوم يقوم يسلم أبص له من برج عالي ينجرح أديله ضهري ودمعتى تحفر طريقها ع الخدود وقبل ما أوصل يتصل حسيت ف قلبي دربكة خفت أعترف وقفلت دندنة الفرح وفوني أصبح غير متاح إسبوع قلق حسيت بأصعب حاجة تفقد الاتزان مجنونة صوته الكهريا قلت أتصل

مانا أصلي لازم أعترف يمكن أخف ومحتمل إني أنام ردت عليا سألتها مستغربة النمرة دي مش نمرته قالت أكيد فسألتها .طب وإنتي مين فسألتها .طب وإنتي مين حسيت بخنجرجي يقتل لهفتي ودفنت جوايا الأمل لما قالت لي إنها . تبقى المدام

العشق طيارة

أنا قاعدة معاك وبفكر فيك وبراجع كل كلامك ليه شايفاك إزاي بعيون تانية غير اللي ف جفني بتتخبى أقسم بالله إنت حكاية هاجم بسلاحك على قلبي شكك مغرور جدا جايز وبسيط متواضع بالمعنى حساك مهموم طيرت النوم وسعيدة معاك علشان الهم بيتحول جواك تعبير عن وجدانك

مع إنك بتقدم فرحة بترجع مر سنین جارحة خيفاك لتضيع مش دايما تبقى الريح ف سكون ولا دايما إحساسي بيصدق ولا غيرك شفته ف كل الكون مهتم بطبعى وبيدقق قربت أغير على قلبي وعيني وتفكيري علشان عشقوك والعشق المخلص طيارة من غير جناحات طيرانها حبيبي وهبوطها مالهوش حسابات بتشيلها الريح

وتلف بقوة ألف أمل تخبط في الشوق يتفجر جوا عيوني بريق إحساس بهواك وبرغم دا كله ماتنطقشي وكلامك عام

أبيض × أحمر

ياللي ماسك قلبي حفنة بین ایدیك و إنسيالك شريانيني دمهم نفسه يعدى من وريدك يم قلبك واما افكر اسن قشرة من جراحى فيك ياعمري ببقى عايزة اقطع وريدك يختلط دمك بدمى بس مش هاین یا غالی أجرحك وانت خاطف عيني مني

ثابتة دايما ف اتجاهك ببقى شايفة الكون دا غامق والمكان اللي انت ساكنه قلبى شايفه تملى لونه من خليط أحمر في أبيض مانت صافي وناري قايدة وانت بتكلمنى دايما زي صاحبك دايما اسكت رغم إنى فاهمة إنك جوه ناری بقیت رماد بس بستناك تقولها والعناد ف حدودي اكبر من خيال الإعتراف وانت جاي الحلم فارس

جاي تاخدني فوق حصانك ببقى نفسي ف الف ليلة نوم يا غالي والحكاية بسيطة جدا إني حباك من سكات واما حلمي يطول شوية يمكن انطق كلمتين ولا اقولك جملتين هو امتى التقل يحلى إلا لو كان ف البنات

مع الإعلامي والشاعر الكبير أدهم الشرقاوي في أجمل صدفة

سيجال (مكر حوا)

أدهم الشرقاوي

كنت فاكر حلمي طارح جوة قلبك وف عيونك كنت واهم بالمطارح اللي تبعدنا تصونك عمري ما اتصورت إنك في الدقايق بتبيعيني كل ثانية بعيدة عني كنتي فيها بتخونيني

علاء الدين على

إنت يا حبيبي اللي زارع نبت قلبي في الخيانة قلب وافي وحب صالح بس محتاج للصيانة كنت جاهل إني واحدة حابة فيك شعرك بصوتك بس تسكت مرة واحدة تبقى للست الإهانة

أدهم الشرقاوي

شعري كانلك نبض واضح قلب ينطق بالغرام حتي في الصمت اللي جارح عشق يغنى عن الكلام

وانتي مش فاهمة المشاعر رد فعلك مش غريب حب غدار . حب قادر حب ف العشاق عجيب

علاء الدين على

لا صريحة وواضحة جدا كنت بتجامل قصادي كل واحدة تشوفها عينك مفتكرشي كنت هادي يعني خاين بالخيال طبع عينك لما مال برة عني للجمال و انت مش عارف عنادي و انت مش عارف عنادي

أدهم الشرقاوي

طب حرد واقولك إية وانتي حتى ع الخيال بتلوميني عارفة كنتي عندي إية كنتي جنة في نن عيني الخيال كان هو إنتي واللي حاضر واللي جاي واللي راح من عمري إنتي بس صعب تحسي قلبي وإنتي جوة الروح سكنتي

علاء الدين على جوة روحك يعني إيه السما فيها النجوم

وانت نايم بعمل اية

یا حبیبی کل یوم
نجم یرمی غمزة حلوة
نجم یاخد عقلی صوته
لما بیغنیلی غنوة
ببقی بتمناك تقوم

أدهم الشرقاوي (لما بتغنيلي غنوة) (لما بتغنيلي غنوة) (ببقي بتمناك تقوم) جملة مست نبض قلبي انسي بيها أي لوم واعترفك بالحقيقة والحروف اليوم جريئة إنتي حب العمر كلة انتي نور نور حياتي

مستحيل استغني عنك جوة مني ليوم مماتي

علاء الدين على

و إنت جاهل سحر عينك برضو جاهل مكر حوا مين تحبك تلقى غيرك حتي لو عاشت ف غنوة تعرف الغيرة حبيبي لما بتصحي القلوب كله كان تمثيل ياعمري وانت نبض القلب جوة

محتوى الكتاب

2	بطاقه الحناب
3.	إهــــــداء
4	أسلوب حياه
	ع الْهُوا
	یاریت تفهم
	مكتوبة بلون السبورة
15.	بسكو تة
18	بسكوتة مافيش أمل إ
21.	مغرورة دي طبعا آنا
24	أنا دمعة
27	قلبي عروسة ماريونيت
29	وردةً صفرا
	صهد فنجانك
	إحساسي بيك
	متميزة
	عندك وقت
42	بدون تعليق
45	. رق هسیب هنا کل الورق
48	قتلنا البعد
	ر أشعار) (
	اپیض x احمر (اشعار)

50	خايفه عليك
52	نقطة حنان
55	رفضاك
58	
62	
65	زلة لسان ً
68	كلمة ف الجوف تنتحر
71	ناسى اللغة
74	أنا ملهمة
78	كلمة تايهة
80	حبة هدوء
82	مستهلكة
84	أنا زي اللي ماتوا فيك
86	باقولك غيب
89	أنا مشمشة
91	قلبي زوم
95	برة حدودك
98	باحلم حلمین
101	دواوين غزل
104	
108	

111	 أبيض x أحمر
114	 سيجال مكر حوا
120	محتوى الكتاب